



PARTII INUIT INATSISARTUNI

Partii Inuit

UKA 2013/17

Randi Broberg

01. 10. 2013

Uunga siunnersuut: Meeqqanut inatsisip Kalaallit Nunaanni meeqqat inatsisitigut inissisimanagerat pillugu inatsit nr. 197, 16. juuni 1962-imeersoq naapertorlugu allannguutissap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussisarnermut tunngasoq pillugu Inatsisartunut aalajangiiffigisassatut siunnersuut.

(Naalakkersuisut Siulittaasuat aamma Nunanut allanut tunngasunut Naalakkersuisoq)

Meeqqanut inatsisip Nunatsinni meeqqat inatsisitigut inissisimanagerat pillugu inatsit nr. 197, Juuni-p 16-ni 1962-imeersoq naapertorlugu allannguutissap atuutilernissaanut aalajangiiffigisassatut siunnersuut kiisalu inatsit nr. 154, Maajip 27-ni 1964-imeersoq Nunatsinni kingornussisarnermut tunngasup siullemeerneqarnera Partii Inuit ima oqaaseqarfingissavaat:

Ukiorpassuarni Kalaallit meerartaasa ataatamik inatsisitigut kinaassusersinissaannut periarfissaqarsimannginnerat inuppassuarnut nanertuutaasimasoq, maanna inatsisitigut illersungaalluni inissikkiartulermat Partii Inuit qamannga pisumik nuannaarutigaarput. Ukiorpassuarnilu eqqorneqarlutik inatsisitigut illersungaasinnaasimanngittut, maanna periarfissiunneqarneranni tapersersuinerput quttassinerpullu matumuuna apuukkusupparput.

Inatsit nr. 197, 16. juni 1963-meersup allanngortinneqarneratigut inatsisitigut ataataqartitaasimanngitsut ataartik kinaanersoq paasereersimanngikkunikku inatsisip allanngortinneqarneratigut paasiniarsinnaalissammassuk alloriarnertut pissusissamisoortutut pingaaruteqarluinnartutullu Partii Inuit nalilerparput.

Taamaattorli inatsisip allannortinniarneqartup aappaa, tassalu inatsit nr. 154, 27. Maj 1964-meersoq, Nunatsinni kingornussisarnermut tunngasoq Partii Inuit apeqquuserparput.

Tassa pisinnaatitaaffik alla tassani unioqqutinneqartutut inissimmat.

Ilami inatsisitigut ataataqanngittut inatsisitigut ataataat toqoreersimappat kingornussanillu agguaassineq naammassereersimappat, suneqarsinnaanngittutut inissinneqarnissaa akuersaaruminaappoq, qanoq iliuuseqarfigisariaqartoq.

Tamannalu minnerpaamik akisussaaffimmik inissiinikkut aaqqinneqartariaqarsoraarput. Uanilu naalagaaffik Danmark immikkut akisussaatinneqartariaqarpoq.

Ilami meeqqat eqqorneqartut, ullumikkut inersimasunngorsimasut, ataaminnik ilisimanninnissaminnut pisinnaatitaaffeqartitaasimanninnerat qaavatigut pillaataassappallusooq akuersaarneqarsinnaanngilaq. Naapertuilluartumik assigiinngisitsinngittumillu inatsit iluarsineqartariaqartoq Partii Inuit isumaqarpugut.

Taama naattumik oqaaseqarluta inatsisip taassuma naapertuilluartumik aaqqiivineqarnissaa siunertaralugu, qanorpiaq kikkunniillu akisussaaffik naammassineqassanersoq pillugu Inatsisinut ataatsimiisiliami suliareqqitassatut innersuupparput.